



МОНГОЛ УЛСЫН  
ЗАМ, ТЭЭВРИЙН САЙДЫН  
ТУШААЛ

2012 оны 12 сарын 10 өдөр

Дугаар 96

Улаанбаатар хот

Журам батлах тухай

Монгол Улсын яамны эрх зүйн байдлын тухай хуулийн 26 дугаар зүйл, Монгол Улсын Засгийн газрын 1997 оны 50, 52, 53 дугаар тогтоолыг тус тус үндэслэн ТУШААХ нь:

Нэг. “Зам, тээврийн салбарын шагнал олгох журам”-ыг нэгдүгээр хавсралтаар, зам, тээврийн салбарын шагналд тодорхойлох иргэний анкетын загварыг хоёрдугаар хавсралтаар тус тус баталсугай.


Хоёр. Шагналын үнэмлэх, гэрчилгээ, тэмдэг хэвлүүлэх болон холбогдох бусад зардлыг байгууллагынхаа төсөвт төлөвлөж, зарцуулахыг харъяа агентлаг, байгууллагын дарга /захирал/ нарт зөвшөөрсүгэй.

Гурав. Журмын хэрэгжилтэд хяналт тавьж ажиллахыг Төрийн захиргааны удирдлагын газар /С.Энхтуул/-т үүрэг болгосугай.

Дөрөв. Энэ тушаал гарсантай холбогдуулан “Журам шинэчлэн батлах тухай” Дэд бүтцийн сайдын 1996 оны 186 дугаар тушаал, “Журам батлах тухай” Зам, тээвэр, барилга, хот байгуулалтын сайдын 2009 оны 336 дугаар тушаалыг тус тус хүчингүй болсонд тооцсугай.



А.ГАНСҮХ



Зам, тээврийн сайдын 2012 оны  
12 дугаар сарын 10-ны өдрийн 96 дугаар  
тушаалын нэгдүгээр хавсралт

**“ЗАМ, ТЭЭВРИЙН САЛБАРЫН ШАГНАЛ ОЛГОХ ЖУРАМ”**  
УХА0444

**Нэг. Нийтлэг үндэслэл**

1.1. Монгол Улсын зам, тээврийн салбарыг хөгжүүлэхэд идэвх санаачилга, үр бүтээлтэй ажиллаж, салбарын хөгжилд бодитой хувь нэмэр оруулсан хүмүүсийг сайшаан урамшуулахад энэхүү журмыг мөрдөнө.

1.2. Монгол Улсын зам, тээврийн салбарын гадаад хамтын ажиллагааг хөгжүүлэхэд идэвх санаачилгатай, үр бүтээлтэй ажиллаж, салбарын хөгжилд бодитой хувь нэмэр оруулсан гадаадын иргэнийг яамны удирдлагын саналаар Зам, тээврийн салбарын шагналаар шагнаж болно.

**Хоёр. Зам, тээврийн салбарын шагналын төрөл**

2.1. Зам, тээврийн салбарын шагнал нь Засгийн газрын 1997 оны 50, 52, 53 дугаар тогтоолд заасны дагуу дор дурдсан төрөлтэй байна.

2.1.1. Засгийн газрын шагнал:

- “Тэргүүний замчин”,
- “Онц тээвэрчин”,
- “Хүндэт төмөр замчин”,
- “Иргэний агаарын тээврийн тэргүүний ажилтан” хүндэт тэмдэг /цаашид салбарын тэргүүний ажилтан гэх/.

2.1.2. Зам, тээврийн яамны шагнал:

- “Хүндэт дэвтэр”-т бичигдсэн тухай дурсгалын гэрчилгээ,
- “Жуух бичиг”

2.1.3. Гадаадын иргэнд олгох зам, тээврийн салбарын шагналын үнэмлэх, гэрчилгээг англи хэл дээр хэвлэсэн байна.

**Гурав. Шагнал олгох ерөнхий нөхцөл**

3.1. Зам, тээврийн салбарын шагналаар шагнахад дор дурдсан ерөнхий үзүүлэлтийг харгалзна. Үүнд:


3.1.1. Зам, тээврийн салбарын ажил, үйлчилгээг боловсронгуй болгох дэвшилтэт техник, технологи, шилдэг арга ажиллагаа нэвтрүүлэн ажил үйлчилгээний чанар, нэр төрөл, эдийн засгийн үр ашгийг нэмэгдүүлсэн тодорхой үр дүн, үр бүтээл;

3.1.2. Салбарын мэргэжилтэй боловсон хүчин бэлтгэхэд бодитой хувь нэмэр оруулсан, салбарын хөгжилд онцгой үр дүн өгөхүйц эрдэм шинжилгээ, судалгааны шинэ нээлт, бүтээл туурвисан;

3.1.3. Онцгой амжилт гаргасан /энэ тохиолдолд онцгой амжилт гаргасныг гэрчлэх баримт бичиг, шийдвэрийн хуулбар/;

3.1.4. Салбартаа амжилт гарган тогтвортой ажиллаж, амжилт бүтээл нь хамт олон, үйлчлүүлэгч, мэргэжлийн хүмүүст үнэлэгдсэн, мэргэжлийн өндөр ур чадвар, туршлагатай;

3.1.5. Байгууллагын соёл, үнэт зүйлийг эрхэмлэн, мэргэжлийн ёс зүйн хэм хэмжээг сахин биелүүлэхэд үлгэрлэгч байх;





3.2. “Салбарын тэргүүний ажилтан” хүндэт тэмдгээр шагнахад салбартаа 15-аас доошгүй жил, тухайн хамт олон дотор 5-аас доошгүй жил тогтвортой ажилласан байх;

3.3. “Хүндэт дэвтэр”-т бичихэд салбартаа 25-аас доошгүй жил, тухайн хамт олон дотор 5-аас доошгүй жил тогтвортой ажилласан байх;

3.4. “Жуух бичиг”-ээр шагнахад улсад 10-аас доошгүй жил, салбартаа 5-аас доошгүй жил тогтвортой ажилласан байх;

3.5. Зам, тээврийн салбарын шагналыг Монгол Улсын Засгийн газрын гишүүн Зам, тээврийн сайдын тушаалаар олгоно.

#### Дөрөв. Шагналд нэр дэвшүүлэх, тодорхойлох

4.1. Төрийн болон төрийн бус байгууллага, аж ахуйн нэгж нь байгууллагадаа ажиллаж байгаа ажилтнуудыг Зам, тээврийн салбарын шагналаар шагнуулахаар нэр дэвшүүлж болно.

4.2. Энэхүү журмын 3.1.3-т заасан үзүүлэлтээр шагнагдах хүмүүст ажилласан жилийг хамааруулахгүй.

4.3. Зам, тээврийн салбарын шагналаар шагнуулахаар тодорхойлохдоо өмнө нь авсан шагналаас хойших 3-аас доошгүй жилийн ажлын ололт амжилт, үр бүтээл, үр дүнгийн ахисан төвшингийн үзүүлэлтийг харгалзах.

4.4. Зам, тээврийн салбарын шагналаар шагнуулахаар нэр дэвшүүлсэн хүний ажил байдлын тодорхойлолтод эрхэлсэн ажилдаа ямар санал санаачилга гаргасан, түүнийг хэрэгжүүлснээр тухайн байгууллага, нийгэмд өгсөн ашиг тусын талаар тодорхой, үнэн зөв дурдан тусгасан байна.

4.5. Зам, тээврийн салбарын шагналаар шагнуулахаар нэр дэвшүүлж буй хүмүүсийг тодорхойлохдоо дор дурдсан материалыг бүрдүүлнэ. Үүнд:

4.5.1. шагнуулахаар нэр дэвшүүлсэн тухай байгууллагын албан бичиг;

4.5.2. энэхүү журмын гуравдугаар хавсралтаар батлагдсан загвар анкет;

4.5.3. хамт олны эсхүл удирдах зөвлөлийн хурлын тэмдэглэл

4.5.4. ажил байдлын тодорхойлолт /ажлын үр дүнгийн үзүүлэлт, бүтээлийн жагсаалтыг хавсаргах/;

4.5.5. өмнө шагнагдсан шагналуудын хуулбар;


4.5.6. онцгой амжилт гаргасан бол түүнийг гэрчлэх баримт бичиг, шийдвэрийн хуулбар;

4.6. Шагналд нэр дэвшүүлсэн хүний материалыг тухайн шагналыг олгох баяр, ойн өдөр болохоос 30-аас доошгүй хоногийн өмнө яаманд ирүүлнэ.

#### Тав. Шагналыг шийдвэрлэх.

5.1. Яамны Төрийн захиргааны удирдлагын газрын шагнал урамшууллын асуудал хариуцсан мэргэжилтэн холбогдох байгууллагуудаас шагнуулахаар нэр дэвшүүлэн ирүүлсэн баримт бичгийн бүрдэлт, агуулгыг судлан, санал боловсруулж, шийдвэрийн төслийг Төрийн нарийн бичгийн дарга, Төрийн захиргааны удирдлагын газрын дарга нарт танилцуулсны үндсэн дээр шагнал олгох асуудлыг шийдвэрлүүлнэ.

5.2. “Салбарын тэргүүний ажилтан”, “Жуух бичиг”-ээр Монгол Улсын Үндэсний их баяр наадам, Цагаан сар, Их эзэн Чингис хааны өдөр, Шинэ жил, салбарын ажиллагсадын өдрүүд, салбарын болон байгууллагын 10 болон түүнээс дээших 5 жилийн давтамжтай ойгоор шагнах бөгөөд энэхүү журмын 3.1.3 -т заасан заасан үзүүлэлтийг үндэслэн шагнах тохиолдолд энэ хугацаа хамаарахгүй байж болно.



5.3. “Хүндэт дэвтэр”-т Монгол Улсын үндэсний их баяр наадам, Цагаан сарыг тохиолдуулан бичиж, гэрчилгээ олгоно.

5.4. “Хүндэт дэвтэр”-т бичигдсэн тухай дурсгалын гэрчилгээ олгох ажиллагааг яамны Төрийн захиргааны удирдлагын газар тусгайлан зохион байгуулна.

5.5. “Салбарын тэргүүний ажилтан” хүндэт тэмдэг, “Жуух бичиг”-ээр шагнагдсан хүмүүсийн шагналыг шагналд нэр дэвшүүлэн тодорхойлсон байгууллагад нь хүндэтгэлтэйгээр олгоно.

5.6. Зам, тээврийн яамны шагналыг үрэгдүүлсэн тохиолдолд иргэний хүсэлт, тухайн шагнал олгосон шийдвэрийг үндэслэн олгоно.

5.7. Шагнал олгох нөхцөл шаардлага хангаагүй иргэний шагналд нэр дэвшүүлэн ирүүлсэн материалыг албан бичгээр буцаана.

#### Зургаа. Шагналын сан бүрдүүлэх, зарцуулах

6.1. Зам, тээврийн салбарын шагналын санг дараах эх үүсвэрээс бүрдүүлнэ:

6.1.1. Шагнал урамшилд зориулсан улсын төсөв;

6.1.2. Батлагдсан урсгал төсвийн хөрөнгийн хэмнэлт;

6.1.3. Бусад эх үүсвэр

6.2. Зам, тээврийн салбарын шагналын дагалдах мөнгөн шагналыг Засгийн газраас тогтоосон хэмжээгээр олгох ба “Салбарын тэргүүний ажилтан”, “Жуух бичиг”-ийн дагалдах мөнгөн шагналыг шагналд нэр дэвшүүлсэн байгууллага, аж ахуйн нэгж нь, “Хүндэт дэвтэр”-т бичигдсэн тухай дурсгалын гэрчилгээг дагалдах мөнгөн шагналыг Зам, тээврийн яамнаас олгоно.

#### Долоо. Шагналын мэдээллийн сан

7.1. Салбарын хэмжээнд шагналын талаарх мэдээллийн нэгдсэн сан бүрдүүлэх, баяжилт хөдөлгөөн хийх асуудлыг яамны шагнал урамшуулал хариуцсан мэргэжилтэн хариуцна. Үүнд:

7.1.1. Энэхүү журмын дагуу Зам, тээврийн салбарын шагналаар шагнагдсан иргэдийн мэдээлэл;


7.1.2. Монгол Улсын Ерөнхийлөгчийн “Монгол Улсын цол хүртээх, одон медалиар шагнаж журмыг батлах тухай” 1999 оны 71 дүгээр зарлигийн дагуу Монгол Улсын цол хүртсэн, одон, медалиар шагнагдсан зам, тээврийн салбарын ажиллагсдын мэдээлэл;

7.1.3. Монгол Улсын Засгийн газрын “Засгийн газрын хүндэт өргөмжлөл, гэрчилгээний тодорхойлолт, дүрэм батлах тухай” 1997 оны 51 дүгээр тогтоолын дагуу Засгийн газрын “Хүндэт өргөмжлөл”-өөр шагнагдсан зам, тээврийн салбарын ажиллагсдын мэдээлэл.

---oOo---







Зам, тээврийн сайдын 2012 оны  
12 дугаар сарын 10-ны өдрийн 96 дугаар  
тушаалын хоёрдугаар хавсралт

**ЗАМ, ТЭЭВРИЙН САЛБАРЫН ШАГНАЛААР ШАГНАГДАХ  
ИРГЭНИЙ АНКЕТ**

УХА0444

*/загвар/*

*/Зам, тээврийн сайдын тушаалаар олгох зам, тээврийн салбарын шагналд өргөн мэдүүлэх хүний анкетыг бөглөхдөө доорх загварыг баримтална./*

- 1. Овог, эцэг /эх/-ийн болон өөрийн нэр
- 2. Регистрийн дугаар
- 3. Хүйс
- 4. Боловсрол, мэргэжил
- 5. Үндсэн захиргаа
- 6. Эрхэлж байсан ажил, албан тушаал /ажилд анх орсноосоо эхлэн оны дарааллаар нь  
бичнэ/:



Зураг 4x6

7. Улсад ажилласан нийт жил, үүнээс тухайн салбарт болон хамт олны дотор ажилласан жил

8. Төр, Засгийн болон бусад ямар шагналаар хэзээ шагнагдсан:  
-----  
-----  
-----

9. Шагнуулах гэж байгаа үндэслэл /тухайн хүний ажлын амжилт, гаргасан үр дүн, туурвисан бүтээл зэргийг сүүлийн 5 жилээр тодорхой бичиж, шаардлагатай гэж үзвэл холбогдох жагсаалтыг хавсаргана/

10. Байгууллага, хамт олны хурлаас ..... /эцэг /эх/-ийн нэр, өөрийн нэр/-г ..... /шагнуулах шагналын нэр/-аар шагнуулахаар хамт олны /удирдлагын зөвлөлийн/ хувийн саналаар нэр дэвшүүлэв.

**БАЙГУУЛЛАГЫН ДАРГА /ЗАХИРАЛ/ -ЫН ГАРЫН ҮСЭГ,  
ТАМГА / ТЭМДЭГ**

